

Deftere Bikkon
Don sappina



Dawda Laamiido
(Yebre 1)



Windowo: Edward Hughes

**Didowo: Lazarus
Alastair Paterson**

Mo'inowo: Ruth Klassen

Lornowo: The Bible Society of Nigeria

**Wanjinowo: Bible for Children
www.M1914.org**

©2023 Bible for Children, Inc.

**Jarfuye: A don mari jarfu windugo mala wurtinugo tariya
ndu nder masin, to na je sippugo.**



Dawda sukaajo doggi. Laamiido Sawulu yidi mbara mo. Dawda yehi joodi nder ladde, nder lowol manngo e tokkoobe temeefde nayi (400). Wakkati feere, lutti seedfa sooja'en Sawulu hefta be. Ammaa Dawda fa'i yeeso.



**Jaggiido Sawulu feere, mbi'eteedo Do'eg yecci laamiido
dow limaan'en walliti Dawda dadi. Sawulu umri be
mbara be. Walaa jabiido huwa ngal. Ammaa Do'eg tan
jabi dow o huwan ngal! O mbari limaan'en sappande
jowetati e njowo bee kaafahi
muudum. Dum kalludum.**



**Yande feere, Sawulu
wurti tefuki Dawda,
o nasti nder lowol
Dawda e yimbe
maako don nyukki
nder maagol. O
feere maako!**



**Dawda mbaran no Sawulu nder
lowol ngol koydum tan.**

**Ammaa o ngaday non,
o baditi bee sirri o tayi
gawargal limce
maako bee labi
muudum mbelndi.**



**Sa'i Sawulu acci nokkure maajum,
Dawda noddi mo. "Nde laati mi tayi
gawargal limce maada, mi mbaran no
ma, anndu a ngi'a dow mi walaa kalluka
koo boo murtere nder jungo am."**



Sawulu wi'i o wasmiti no o habata naawniki Dawda. Ammaa tikkungel seedfa tikkere maako naane warti fahin, o mobti honoobe maako teemere tati ngam be mbara Dawda. Jemmaare feere, yaake honoobe man daanake, Dawda e Abisay, gooto nder sooja'en maako, molmolti nasti saŋgeere, be ngari haa nokkuure laamiido mbaali, o don daani.





**Nder suuraare Abisay
wi'i mo, "Nyalaade do
Allah hokki honoowo
ma nder juude maada,
useni fuu, accu mi tigga
mo bee labbo haa leddi
nde woore, walaa haaje
mi tigga didawal."**





Dawda sali. Dawda hoo'i labbo e jolloru maako, sey o ndilli. Daga hooseere tiitotiri bee saɗngeere maajum, Dawda hooli bee sawtu sey nde Sawulu nani mo. Fahin Sawulu ngi'i dow Dawda mbaran no mo, ammaa o ngaday dum. Fahin Sawulu wasmiti no habata naawniki Dawda. Ammaa Dawda anndi o koolataa wolde Sawulu.






**Wakkati do Samuyila maaynama.
Kaŋko on annabiijo mo Allah wi'i o
moyta Sawulu aranol, nden diɗawal
Dawda darnde laamiido Isra'iila.
Sa'i Filisti'en ukkani Isra'iila,
Sawulu ngadi hunde kulnidum,
hunde nde Allah harmini.**



**Sawulu umri debbo dow o wurtininamo
Samuyila daga maaybe. Jemmaare
nde'e Sawulu hebi fataakewol.**



"Allah acci ma, o ngarti konneejo maada. O hoo'i laamuha a junngo maada o hokkiti dum keedfiddiraawo maada, mbi'eteedo Dawda. Jaango, an e bibbe maada on ngondan bee am. Jawmiraawo hokkan honoobe Isra'iila nder juude Filisti'en." Sa'i Sawulu nani ka, o do'i haa leddi ngam kulol.



**Filisti'en kabi bee Isra'iila, worbe
Isra'iila ndoggi. Filisti'en mbari
bibbe Sawulu, hautaade e
Yonatan, sobaajo
Dawda bodfo.**



**Fidoobe kuri naawni
Sawulu masin. Ngam
maajum o wi'i roondoowo
balmi muudum, "Los
kaafaahi maada, a yuwam
e maari, ngam taa kallube
do ngara njuwa mi, fijjira
mi." Ammaa roondoowo
balmi maako man sali,
ngam o kultori dum masin.
Ngam maajum, Sawulu
hoo'i kaafaahi muudum,
sey o do'i dow maaki.**





**Nde Filisti'en hefti buski
Sawulu e bibbe maako
taton, sey be bili balli
mabbe haa mahol haa
berniwol Isra'iila be
jalti. Wodbe feetube
nder Isra'iila'en on bilti
balli mabbe, njaari di
wuro, nguli di, hiddeeko
be uwa di nder Isra'iila.**





**Sa'i Dawda nani kubaru
kallunga do, o mboyi, o
wooki, o nyalli suumaago
ngam daliila Sawuwlu e
biyum Yonatan, bee yimbe
Jawmiraawo, ngam be
maayi maayde kaafaahi.**



**Koo nde dum laati Sawulu habdi
mbariki Dawda, Dawda teddini
Sawulu dow darnde moytaado Allah
yahaago haa timmorde. Sey jooni
Allah teddini Dawda, o laammini
mo laamiido darnde Sawulu.**



Dawda Laamiido (Yebre 1)

Tariya ha nder Wolde Allah, Deftere,

tawama ha nder

1 Samuyila 24-31, 2 Samuyila 1-2

"Damugal Wolde Mada don hokka jayngol."

Jaabura 119:130



Timminol



Tariya Deftere ndu don wolwina amin do Allah
amin je boddo je taggi amin e je yidi ha en aanda Mo.

Allah aandi min ngadi kujeji kalludum, je O ewnatta hakke.
Eltare aybe dum wade, ama Allah yidi ma be gonga e O nelli
no Biddo mako je gooto, Yesu, ha o maya do Gafangal e be elta
Mo ngam aybe mada, Nden Yesu finni nder wade e dilli ha saare
ha asaman! To a don nuddina Yesu e emmi mo ngam ha O
yaffa hakkeji mada, O wadan dum. O waran e O wondan
be ma jonta, e a wondan be Mako ha abada.

To a tammi dum gonga, Yeccu do ha Allah:

Yesu am, mi don nuddina an woni Allah, e lati neddo ngam
mayugo ngam hakkeji am, jonta A don yedda fahin. Useini nastu
ha nde jonde am e yafanam hakkeji am, ngam ha jonde am sanja
jonta, e yende feere mi wonda be ma ha abada. Wallam ngam
hedditugo Ma e yedda ngam Ma bana biddo Ma. Amina.

Jaangu Deftere e ngewtu be Allah tum tum! Yohonna 3:16

